

# 8. Siõm Sandra- kâ'ddsä'ppli jõnn saagg

Hepsulhei e'pet tää'ben Ukselmvuei'vest!  
Leäm tõt Ukselmvuei'v-tuõddâr çeäkkli, Ee'lskaž,  
ķeä'st liâ jõnn pee'llj.

Jõnn pee'lljin kuulam tuõđi puârast puk tää'rķes aa'sšid.  
Jõnn pee'lljin kuulam nu't u'cc gu jõnn še tuõddâr le'be mie'cc aa'sšid.  
Liikkääm pâi jõskksânji tuõddrest da mie'ccest,  
gu tâ'l kooll juõ'ķknallšem hää'sķes mie'cc mainnsid.

Piõgg lij mie'ccest tõt,  
kää'tt jââ'dat mie'cc pââ'st da saaggid.  
Õ'hhtešt piõgg jââ'dti nâkam pââ'st, što Sandra-kâ'ddsä'ppli lij vuäžžam ââlgaid.  
Piõgg mainsti nââi't siõm Sandra-kâ'ddsä'pplē jõnn odđâž!  
Tu'mmjem tâ'lles vue'lģģed tiõrvted Sandra-kâ'ddsä'pplē da tuäivted leekk piârrilâssnummuž  
diõtt.


Teâđak-a,  
mõõnnallšem da mõõn šõõra Sandra-kâ'ddsä'ppli lij?  
Sandra-kâ'ddsä'ppli lij smavvjõõ'vi.  
Åâ'lles kâ'ddsä'ppli lij nu't meä'ccmu'lddsä'ppli šõõra  
le'be säärnčem-a, što samai siõmmna šõõrab gu sâ'pplējaž.

Jõõ'vvjen tõt jââvv jee'resnallšem šââddaid da raa'zzid.  
Kõžžseeu'ter lij tõn hâ'rčč.  
Vuäitt tõt hâ'rčstõõllâd še pooree'l lie'ddiõmmlid.

Jõõ'vvi taarbaš šiõgg paa'nid, mâin jââvvad.  
Sandra-kâ'ddsä'pplē'jest liâ kue'htt ee'žža ku'ķes ouddpää'n.  
Da arvvääk-a mâi'd?  
Pää'n jiâ puuđ, hâ't Sandra-kâ'ddsä'ppli jââvvči mõõn jiânnai.  
Tõn ouddpää'n šâ'dde ķee'jjmie'ldd tõn jie'llemäi'j!

Sandra-kâ'ddsä'pplē âssai da tee'mes torkk lij mooččâs ķeârjjai.  
Vuei'vvää'sšest tõt lij vi'sķķesručķkâd, ko'st liâ mâta ru'čķķes juõn.

Sandra-kâ'ddsä'ppli lij tuõddârķâ'ddsä'ppli.  
Nõmm puätt tõ'st,  
što tõt jeäll tuõddârmie'ccest.  
Jõs kâ'ddsä'pplē šâ'dde jiânnai,  
tâ'l kâ'ddsä'pplē vue'lģģe jââ'tted jee'resârri,  
oocčâd räâuhsab jälstemvuu'd.



Tâ'l,  
gu tøk liâ jiânnai  
da tøk liâ jââttmen,  
tõid vuäitt vuet'nned hie'lkeld.



Noo'rmeld tøk põõžžtâ'lle tønnää'l peittsââ'jest.  
Jââ'ttem poodd tøk jâ'tte seämma ârra, jiâ-ka tøk kâârv pâi jâ'tte vei'kerld.  
Tâ'l tøk kuâđđje še aauti vuâlla, mii lij pe'celaž ä'sš.

Gu piõgg leäi põhttam mu'nne saagg šõddâmveäđain ââlgain,  
u'rčcem tâ'lles jâ'ttlânji pie'zz ârra.

Kuâbstem peâzz'že.

To'ben Sandra âârii ââлгаивui'm samai räâuhast.

Sandra mainsti mu'nne,

što ââлга le'jje vøl aivv sõõuste'm, kai'ğgesruõpssâd

da õ'ne čõõ'lmid aivv kïdd.

Ââлга le'jje siõm, de kõõččmõõžžâst leäi vuõi'ğgest säärnee'l u'cc ä'sš.

Sandra-kâ'ddsâ'pplée jie'llmest tõt leäi tuõđi jõnn oodâs.

Da kâ'l-ba šõddmõš leäi pâi jõnn ä'sš.

Da teâđast, muu miõlâst siõm kâ'ddsâ'pplinââлга le'jje tuõđi jõnn ä'sš

da tuõđi jõnn mie'cc oodâs

da miõlkiddsaž oodâs.



Mon tuäivtem leekk Sandri'žže da u'vddem tõõzz skïâņkkân čâ'mmkuâ'mmertiuud kõzzseâhttar.

Sandra-kâ'ddsâ'pplée leäi pue'rmiõlin skïâņkâst;

"gu njiimat ââlgaid, fe'rttai še jiõčč poorrâd puârast", tõt säärnai.

Ââ'n tõ'st le'jje ku'kes ââigas porrmõžž.

Le'be näkam jie'llem lij tääi'ben tuõddrest da mie'ccest da jie'ğgest.


Jie'llem lij luâđ da tøn šõddmõõžži seu'rrijummuž.

Kuâ'ss-ne šõddmõõžž liâ suur,

kuâ'ss-ne uu'ccab,

kuâ'ss-ne aivv u'cclaan, leša vääžnai,

mâta siõm kâ'ddsâ'pplée ââlgai šõddmõš.



## *Ee'lskaž*


*Čeäklee meä'ccodđâz kee'rjti pââjas Kristiina Aikio. Jâârglõ'tti: Hilikka Fofonoff.*

### **Mâ'ņņmainnâz:**

1. Eu'nned täâzz kuõskki Sandra-kâ'ddsâ'pplée kartt! Pïirâst tõõzz ku'kes ää'bben, vuâ'nkõs jue'ljid, kue'htt pâ'sttlõs ouddpää'n di u'cc seeiba. Vuäitak pirsted še siõm ââlgaid tøn pâ'ldde. Pïirâst tõõzz še porrmõššân seâhttrid da lie'đđiõmmlid.

Nõmm:

\_\_\_\_\_



Nõmm:

\_\_\_\_\_

